



CENTRALE BANK VAN ARUBA

CONSUMIDOR MAS PESIMISTA DEN E DI SEGUNDO TRIMESTER DI 2022: PRIJS HALTO TA UN PREOCUPACION GRANDI

Comunicado di prensa¹

Resultado pa e di segundo trimestre di 2022


Consumidornan a bira mas pesimista, mirando cu e confiansa di consumidor a baha cu 0,5 punto di indice te na 93,0 durante e di segundo trimestre di 2022 (Grafiek 1)².

Na final di e di segundo trimestre, consumidornan tabata mas preocupa cu (i) e situacion economico lo deteriora (Q1-2022: 59 por ciento) y (ii) e posicion financiero di gobierno lo empeora (Q1-2022: 52 por ciento). Casi tur e respondentenan (97 por ciento) a raporta cu nan ta premira cu prijsnan lo ta mas halto den e proximo 6 lunanan. Mitar di respondentenan ta pensa ainda cu haña un trabou nobo ta mas dificil, esta 1 punto di percentahe menos compara cu e trimestre anterior (Q1-2022: 51 por ciento). Ademá, 46 por ciento di respondentenan ta premira cu na cas nan situacion financiero lo deteriora, esta cu 5 punto di percentahe mas compara cu e trimestre anterior (Q1-2022: 31 por ciento).

Tanto e indice di expectativa como e indice di e situacion actual a baha, esta cu 1,1 punto di indice te na 93,2 y cu 0,5 punto di indice te na 92,7, respectivamente, den e di segundo trimestre di 2022.

E cantidad di respondentenan cu a raporta cu compra di un auto no tabata conviniente a keda mescos na 69 por ciento den e segundo trimestre di 2022, mientras cu 67 por ciento a indica cu haci un prestamo no tabata adecua (Q1-2022: 66 por ciento). Tambe, 58 por ciento di respondentenan a indica cu tuma un hipoteca no tabata adecua (Q1-2022: 62 por ciento). Encuanto bay cu vakantie 50 por ciento di respondentenan a raporta cu no tabata conviniente. Consecuentemente, e indice di habito di consumidor a baha marginalmente di 93,9 den e primer trimestre di 2022 te na 93,8 den e di segundo trimestre di 2022.

Grafiek 1: Indice di Confiansa di Consumidor



Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan.

Informacion adicional riba e encuesta di confiansa di consumidor ta disponibel riba website di CBA (<https://www.cbaruba.org/>).

Banco Central di Aruba
12 augustus 2022